

SYARAT-SYARAT PEMATUHAN LESEN PERNIAGAAN DAN IKLAN

AKTIVITI PERNIAGAAN: AKTIVITI PUSAT PENJAGAAN KESIHATAN

NAMA PREMIS :

ALAMAT PREMIS :

NO. RUJUKAN LESEN :

NAMA PEMEGANG LESEN :

NO. KAD PENGENALAN :

**ALAMAT PEMEGANG
LESEN :**

**JENIS RAWATAN
DILESENKAN :**

1. Peraturan Am

- Lesen berkuatkuasa dari tarikh pembayaran lesen sehingga tarikh tamat lesen yang tercatat pada lesen perniagaan.
- Lesen hendaklah dipamerkan di tempat yang mudah dilihat di premis perniagaan.
- Lesen tidak boleh dipindahmilik melainkan dengan kebenaran bertulis Majlis.
- Pihak berkuasa melesen boleh memasuki dan memeriksa mana-mana tempat atau premis yang digunakan atau percaya dengan munasabah premis digunakan bagi maksud tred, perniagaan dan perindustrian
- Pihak berkuasa melesen boleh meminta dari pemegang lesen apa-apa maklumat berkenaan dengan pengurusan tred, perniagaan atau perindustrian dan pemegang lesen atau pekerjanya hendaklah memberikan apa-apa maklumat yang dikehendaki daripadanya.
- PENALTI akan dikenakan kepada seseorang yang melanggar mana-mana peruntukan Undang-Undang Kecil dan apabila disabitkan, boleh dikenakan denda tidak melebihi RM 2000.00 atau penjara tidak melebihi satu tahun atau kedua-duanya dan denda tidak melebihi RM 200.00 tiap-tiap hari kesalahan itu berterusan selepas sabitan.
- Tidak dibenarkan menjadikan premis perniagaan sebagai penginapan persendirian.

- Aktiviti perniagaan dijalankan di premis yang dibenarkan bagi tujuan aktiviti perniagaan sahaja dan membayar lesen tahunan yang dikenakan oleh Majlis serta mematuhi segala syarat-syarat penggunaan bangunan yang berkaitan.
- TIDAK menjalankan aktiviti-aktiviti yang menyalahi dan bertentangan dengan apa jua undang-undang yang dikuatkuasa. TINDAKAN PENGUATKUASAAN akan diambil terhadap mana-mana pihak yang melanggar peraturan yang telah ditetapkan.
- Beg plastik pakai buang (*disposable/single use*) tidak akan dibekalkan kepada pengguna secara percuma.
- Penggunaan bekas makanan dan peralatan daripada polistirena akan di berhentikan.

2. Syarat-syarat Khas Lesen Pusat Penjagaan Kesihatan

- Pusat penjagaan kesihatan hendaklah berkonsep terbuka. Walaubagaimanapun pemegang lesen dibenarkan memasang tirai yang berukuran bermula 2 kaki dari paras lantai dan tinggi tidak melebihi 6 kaki.
- Pintu masuk pusat penjagaan kesihatan hendaklah dilitupi cermin telus bagi keseluruhan daripada permukaannya dan pintu hendaklah tidak dikunci semasa waktu perniagaan.
- Setiap pekerja hendaklah berpakaian seragam yang sopan dan kemas tanpa menjolok mata.
- Semua pekerja yang memberi rawatan bagi urutan perlu menjalani pemeriksaan kesihatan oleh seorang pegawai perubatan setiap enam bulan sekali
- Had masa operasi dibenarkan sehingga pukul 1.00 pagi sahaja.
- Pencahayaan dalaman hendaklah sentiasa terang.
 - Pemegang lesen hendaklah mengambil langkah untuk memastikan terdapatnya pencahayaan yang cukup di premis dan sekiranya pencahayaan asli tidak mencukupi, langkah-langkah hendaklah diambil untuk mengadakan pencahayaan tambahan.
 - Pencahayaan premis tidak kurang dari 100 lux bagi keseluruhan kawasan premis yang dilesenkan bagi mengelak berlakunya perkara atau gejala yang tidak diingini serta melanggar syarat-syarat lesen Pusat Penjagaan Kesihatan.
- Pengudaraan (ventilation);
 - Pemegang lesen hendaklah mengambil langkah yang cukup untuk memastikan terdapatnya ganti udara yang cukup.
- Pekerja asing perlu ada permit dari Jabatan Imigresen dan membuat pemeriksaan kesihatan.
- Menyediakan maklumat/rekod pekerja dan bersedia menunjukkan kepada pegawai pemeriksa apabila diminta. Maklumat yang diperlukan ialah nama pekerja, umur, no. kad pengenalan/passport, warganegara dan tahap kelulusan.
- Pengusaha premis perlu mengemukakan buku log (senarai pendaftaran) pekerja bagi tujuan mengenalpasti pekerja yang diambil secara sah.
- Dilarang mempamer gambar lucah di dalam premis atau sekitarnya.
- Aktiviti pelacuran adalah dilarang sama sekali.

- Pemegang lesen tidak boleh membuat atau menyebabkan bising yang menyebabkan kacauganggu semasa menjalankan perniagaan.
- Mempamerkan papan tanda pada setiap masa ditempat yang mudah dilihat di luar premis pusat penjagaan kesihatan.
- Pihak Berkuasa Melesen boleh memasuki dan memeriksa mana-mana tempat atau premis yang digunakan atau percaya dengan munasabah premis digunakan bagi maksud pusat penjagaan kesihatan.
- Semua pusat penjagaan kesihatan kecuali yang merawat 'wanita sahaja', dilarang mengambil pekerja wanita beragama Islam kerana bertentangan dengan Seksyen 23 dan 29 Enakmen Jenayah Syariah (Selangor) 1995.

3. Larangan-larangan Bagi Pusat Penjagaan Kesihatan

Tiada seorang pemegang lesen boleh :

- Membenarkan mana-mana orang yang diketahuinya atau disyaknya dengan munasabah menghidap sesuatu penyakit berjangkit atau penyakit boleh merebak memasuki pusat penjagaan kesihatan;
- Mengambil bekerja di pusat penjagaan kesihatan mana-mana orang yang diketahuinya dan dipercayainya dengan munasabah menghidap suatu penyakit berjangkit boleh merebak;
- Berpakaian secara tidak sopan atau membenarkan pekerjaanya berpakaian secara tidak sopan di dalam pusat penjagaan kesihatan;
- Membenarkan mana-mana orang yang diketahuinya atau dia mempunyai sebab yang munasabah untuk mempercayai mempunyai watak yang jahat berada di dalam pusat penjagaan kesihatan;
- Mengambil bekerja di pusat penjagaannya mana-mana orang yang diketahuinya atau dia mempunyai sebab untuk mempercayai ialah seorang pelacur atau seorang yang berkelakuan buruk;
- Mengambil bekerja di pusat penjagaannya mana-mana orang di bawah umur lapan belas (18) tahun;
- Mengambil bekerja tukang urut, di premis penjagaan kesihatan mana-mana orang di bawah umur dua puluh satu (21) tahun;
- Membenarkan apa-apa perjudian, salah guna dadah, pelacuran atau apa-apa bentuk perbuatan yang menyebabkan kacauganggu, gangguan kecederaan atau bising kepada penduduk di kawasan persekitaran pusat penjagaan kesihatan;
- Membenarkan apa-apa makanan atau minuman memabukkan dihidangkan atau digunakan di pusat penjagaan kesihatan;
- Menayangkan atau mempamerkan apa-apa gambar dan artikel yang kurang sopan di pusat penjagaan kesihatan.
- Membenarkan di pusat penjagaan kesihatan apa-apa rawatan yang tidak dinyatakan dalam lesen yang sah;
- Membenarkan mana-mana binatang yang akan menyebabkan kacauganggu atau bising atau gangguan memasuki atau berada di pusat penjagaan kesihatan;
- Mengadakan apa-apa hiburan di pusat penjagaannya kesihatan;
- Mengunci pintu masuk ke pusat kecantikan dan penjagaan kesihatan sewaktu perniagaan dijalankan; atau

- Membenarkan rawatan dan urutan dilakukan di tempat selain daripada pusat penjagaan kesihatan yang dilesenkan.

4. Cagaran dan Pembatalan Lesen Pusat Penjagaan Kesihatan

- Jumlah cagaran lesen Pusat Penjagaan Kesihatan dikenakan sebanyak dua kali ganda daripada bayaran lesen perniagaan tetapi tidak melebihi dari RM10,000.00.
- Setiap lesen dikenakan bayaran wang cagaran. Wang cagaran tersebut adalah sebagai jaminan kepada pemegang lesen supaya pada setiap masa mematuhi peraturan dan syarat-syarat pemberian lesen yang ditetapkan.
- Wang cagaran tersebut akan dirampas (forfeited) apabila pemegang lesen melanggar syarat-syarat atau sekatan lesen itu dan peruntukan-peruntukan enakmen atau mana-mana peraturan yang telah ditetapkan.
- Sesuatu lesen boleh dibatalkan oleh Pegawai Pelesen pada bila-bila masa melalui suatu notis bertulis jika pemegang lesen didapati melakukan pelanggaran mana-mana syarat atau sekatan dan/atau pelanggaran peruntukan undang-undang atau mana-mana peraturan.

5. Aktiviti

- Tidak dibenarkan menjalankan aktiviti perniagaan selain daripada yang dilesenkan.
- Aktiviti perniagaan perlu dijalankan di dalam premis sahaja.
- Bagi premis yang menyediakan makanan bahan makanan halal dan tidak halal perlu dilabel dan diletakkan di tempat yang berasingan.

6. Pengambilan Pembantu Warga Asing

- Pemegang lesen tidak dibenarkan untuk menggaji dan / atau mengambil pembantu / pekerja warga asing yang tidak mempunyai pas yang sah selaras dengan peruntukan di bawah Akta Imigresen 1959 / 63 dan Peraturan-Peraturan Imigresen 1963).
- Pemegang lesen hendaklah mengemukakan jumlah bilangan dan senarai nama pekerja asing yang bekerja di premis perniagaan yang dilesenkan.
- Pemegang lesen hendaklah mengemukakan Salinan permit kerja yang sah dan masih dalam tempoh daripada Jabatan Imigresen bagi semua pekerja tersebut.
- Pemegang lesen tidak dibenarkan untuk meletakkan mana-mana pekerja asing di kaunter hadapan premis perniagaan sebagai juruwang.
- Pemegang lesen dilarang untuk sublet lesen perniagaan yang diluluskan kepada mana-mana warga asing.

7. Keperluan Teknikal

- Premis hendaklah mempunyai bekalan air paip yang disambungkan ke sesalur air dari bekalan air awam.
- Pemegang lesen hendaklah memastikan terdapat pencahayaan yang mencukupi di premis perniagaan.

- Pemegang lesen hendaklah memastikan terdapat pengudaraan yang cukup di dalam premis.
- Pemilik premis makanan hendaklah menyediakan '*exhaust fan*' yang bersesuaian dan mencukupi serta mematuhi syarat-syarat dan keperluan teknikal yang ditetapkan oleh Majlis
- Tidak dibenarkan membuat apa-apa sambungan binaan di luar dari premis asal atau binaan yang menutup longkang tanpa kebenaran Majlis.
- Sekiranya terdapat ubahsuai yang melibatkan binaan ruang atau bilik yang tidak kurang dari 6.5m² / 70kp hendaklah mengemukakan permohonan permit Pelan Setara Sekatan Dinding.
- Sekiranya terdapat ubahsuai yang melibatkan pecahan dinding melebihi 3m perlulah memohon Permit Pelan Setara Pecahan Dinding.
- Sekiranya terdapat ubahsuai yang melibatkan binaan penutup longkang pemilik premis perlulah memohon permit pelan penutup longkang dan membina '*ms grating*' untuk memudahkan kerja-kerja penyelenggaraan. Menutup keseluruhan longkang adalah tidak dibenarkan.
- Binaan '*ramp*' adalah dibenarkan walaubagaimanapun pemilik premis perlu mendapatkan kelulusan termasuk penyewaan petak khas tempat letak kereta dan tertakluk kepada syarat-syarat serta peraturan yang telah ditetapkan oleh Majlis.
- Binaan '*awning*' tanpa tiang perlu mendapatkan kelulusan permit pelan '*awning*'. Jika binaan '*awning*' melebihi 5 kaki dan bertiang perlu mendapatkan kelulusan pelan Jabatan Bangunan.
- Perlu memperbaharui kelulusan Kebenaran Merancang 3 bulan sebelum tamat tempoh bagi premis yang melibatkan perubahan material.
- Bagi premis yang mendapat status kelulusan struktur sementara, perlu memperbaharui permit sementara bangunan sebelum pembaharuan lesen boleh dibenarkan.
- Iklan *pylon*, *skysign*, iklan fasad dan lain-lain jenis iklan luaran perlu mendapatkan kelulusan permit iklan sementara dan perlu mendapatkan permit binaan struktur daripada Jabatan Bangunan
- Bagi premis yang menyediakan makanan / penjualan makanan seperti restoran, bahagian ruang dapur premis hendaklah dilengkapi dengan jubin dibahagian lantai dan dinding dapur.

8. Kemudahan Sanitari

- Semua air basuhan, cucian, pemprosesan, buangan cecair kotor atau lain-lain benda yang mengganggu atau benda kotor hendaklah disalurkan ke sistem saluran kumbahan premis.
- Tidak dibenarkan mengadakan sebarang sistem saluran secara terus ke dalam longkang, siar kaki, kawasan pejalan kaki atau mana-mana tempat awam di hadapan, belakang atau di sebelah premis.
- Pemegang lesen hendaklah menyelenggara dan memastikan tandas serta sinki sentiasa berada dalam keadaan bersih dan sempurna pada sepanjang masa.

9. Kesihatan dan Keselamatan

- Pemegang lesen hendaklah memastikan tidak berlaku kesesakan di dalam premis.
- Pemegang lesen hendaklah memastikan alat kelengkapan mencegah kebakaran dipasang dengan cukup, tangga dan jalan keluar diselenggara dengan baik.
- Menyediakan alat pemadam api mengikut spesifikasi dan kriteria yang ditetapkan oleh Jabatan Bomba dan Penyelamat
- Alat pemadam api perlu dihantar ke Jabatan Bomba bagi setiap tahunan untuk diuji.
- Semua alat pemadam api perlu digantung 1 meter di atas lantai dan berdekatan laluan keluar supaya mudah dilihat dan dicapai.
- Semua laluan hendaklah bebas daripada sebarang halangan dan rintangan.
- Memastikan semua kehendak keselamatan kebakaran yang ditetapkan oleh Jabatan Bomba dan Penyelamat dipatuhi sepenuhnya.
- Bahan-bahan mudah terbakar hendaklah disimpan dalam bekas bertudung tutup sendiri yang reka bentuknya telah mendapat kelulusan.
- Pemegang lesen tidak boleh membuat atau menyebabkan bising yang akan menjadi kacauganggu semasa menjalankan apa-apa aktiviti perniagaan atau perindustrian.
- Jarak minima yang sesuai untuk penyelenggaraan dan tiada kesesakan bagi ruang kelegaan (stor).
- Menyediakan peti pertolongan cemas di setiap premis.
- Pemilik premis hendaklah memastikan kawasan premis bebas daripada tempat pembiakan nyamuk dan serangga pembawa penyakit.

10. Kebersihan

- Pemegang lesen tidak boleh menyebabkan atau membenarkan apa-apa bahan ada dilonggokkan, ditumpahkan atau diserakkan ke dalam longkang atau lain-lain tempat awam atau persendirian.
- Pemegang lesen tidak boleh menyebabkan, membiarkan, membenarkan atau mengizinkan penyebaran apa-apa kuantiti habuk, wap, haba, gas, pancaran, bau, hiduan, getaran asap dan jelaga dari tempat atau premis yang merupakan suatu kacauganggu atau boleh mencemarkan udara.
- Menyediakan kemudahan tempat mencuci tangan yang bersih, sempurna dan disalurkan ke dalam sistem sanitari dalaman serta mempunyai sabun dan alat pengering.
- Pemegang lesen hendaklah menyelenggara tandas dan sinki secara berjadual.
- Bagi kaedah pelupusan najis aktiviti kedai haiwan dan seumpama dengannya, tidak dibenarkan membuang sisa najis haiwan peliharaan atau jualan di luar premis.
- Kebersihan premis dan kawasan sekeliling hendaklah sentiasa dijaga dan tidak memberi kacauganggu kepada masyarakat setempat.
- Menjaga dan memastikan sistem perparitan dan saliran berfungsi dengan sempurna

11. Pengurusan sisa

- Pemilik premis hendaklah menyediakan tong sampah yang mencukupi, sempurna dan seragam bersaiz minimum 120liter ke atas, bertutup dan beroda. Bagi premis yang mempunyai kebuk sampah, tong sampah perlu mengikut saiz kebuk sampah tersebut.
- Semua sampah **pepejal basah** hendaklah dimasukkan dalam **beg plastik berwarna hitam** dan **sampah kitar semula** hendaklah dimasukkan ke dalam **beg plastik berwarna hijau** sebelum dimasukkan ke dalam tong sampah. Penggunaan beg plastik biodegradable amatlah digalakkan.
- Tong sampah hendaklah diletakkan di hadapan premis (atau mana-mana lokasi lain yang diarahkan oleh pihak MPSJ bagi memudahkan tujuan kutipan sampah di kawasan tersebut). Tidak dibenarkan meletakkan tong sampah di atas petak tempat letak kereta.
- Semua sampah komersial dan industri mestilah dilupuskan menggunakan perkhidmatan PANEL KONTRAKTOR SISA INDUSTRI / KOMERSIAL MPSJ
- Semua sisa berjadual hendaklah dilupuskan menggunakan perkhidmatan PANEL KONTRAKTOR SISA BERJADUAL DARIPADA JABATAN ALAM SEKITAR.

8. Iklan Dan Promosi

- Hanya iklan yang dilesenkan sahaja boleh dipamerkan di premis yang berlesen.
- Bahasa Kebangsaan hendaklah digunakan bagi semua iklan samada ianya sahaja atau bersama dengan apa-apa bahasa lain, UUK 3(1) Undang-Undang Kecil Iklan MPSJ 2007
- Jika Bahasa Kebangsaan digunakan bersama dengan bahasa lain dalam sesuatu iklan, perkataan dalam Bahasa Kebangsaan hendaklah berukuran tiga puluh peratus lebih besar daripada bahasa lain, diutamakan dari segi kedudukan dan digunakan dengan nahu yang betul. UUK 3(2) Undang-Undang Kecil Iklan (MPSJ) 2007.
- Hanya bahasa yang digunakan oleh kaum dan etnik Malaysia yang diiktiraf oleh kerajaan Malaysia sahaja yang boleh dipaparkan pada iklan yang dipasang.
- Jika perniagaan bukan didaftarkan dalam Bahasa Kebangsaan ia tidak perlu diterjemahkan di dalam Bahasa Kebangsaan. Walau bagaimanapun, iklan tersebut hendaklah menyatakan aktiviti di dalam Bahasa Kebangsaan.
- Sebarang perubahan terhadap visual perlu mendapat kelulusan daripada Majlis.
- Struktur dan visual iklan perlu diselenggara dan dipastikan dalam keadaan baik dan selamat
- Sebarang aktiviti dan peralatan /bahan promosi (promosi, kain rentang, belon, mesin angin dan lain-lain bentuk peralatan promosi) perlu mendapat kelulusan dan permit promosi daripada Majlis.
- Perlu mendapat kelulusan KPDNKK bagi sebarang jualan harga murah dan jualan gudang.

- Promosi yang dijalankan di atas petak letak kereta perlu mendapatkan permit sewa tempat letak kereta dan permit pemasangan khemah (jika ada).
- Promosi yang dijalankan di luar premis hanya boleh dijalankan pada hari Sabtu, Ahad dan cuti umum sahaja dengan kebenaran Majlis.

9. Pemunggahan>Loading/Unloading)

- Aktiviti pemunggahan hendaklah tidak menghalang lalulintas.
- Aktiviti pemunggahan yang menggunakan lori 1 tan atau lebih hendaklah dijalankan di lorong belakang premis dari jam 8 pagi hingga 6 petang (kecuali Sabtu, Ahad dan cuti umum) boleh dijalankan di hadapan premis dari jam 6 petang hingga 8 pagi (kecuali Sabtu, Ahad dan cuti umum) kecuali bagi premis yang tidak mempunyai lorong belakang.

10. Perlanggaran Syarat

- Sekiranya syarat-syarat di atas dan syarat-syarat semasa yang ditetapkan oleh pihak Majlis tidak dipatuhi, maka tindakan penguatkuasaan merangkumi **Notis Amaran, Notis Tawaran Kompaun (NTK), sitaan, penutupan premis, penggantungan lesen dan pembatalan lesen** serta lain-lain tindakan boleh diambil mengikut undang-undang berikut :
 - Undang-undang Kecil Pelesenan Tred, Perniagaan dan Perindustrian (MPSJ) 2007
 - Undang-undang Kecil Iklan (MPSJ) 2007
 - Undang-undang Kecil Pusat Sukan Persendirian (MPSJ) 2007
 - Undang-Undang Kecil Pusat Kecantikan dan Penjagaan Kesihatan (MPSJ) 2007
 - Undang-undang Kecil Pelesenan Establisymen Makanan (MPSJ) 2007
 - Undang-undang Kecil Pengendali Makanan (MPSJ) 2007
 - Enakmen Hiburan Dan Tempat-tempat Hiburan 1995
 - Undang-undang Kecil Pelesenan Tempat Letak Kereta Persendirian (MPSJ) 2005
 - Undang-undang Kecil Pusat Siber dan Kafe Siber (MPSJ) 2007
 - Undang-undang Kecil Kolam Renang (MPSJ) 2007
 - Undang-undang Kecil Pemungutan, Pembuangan dan Pelupusan Sampah Sarap (MPSJ) 2007
 - Undang-undang Kecil Kerja Tanah (MPSJ) 2007
 - Akta 133, Jalan Parit dan Bangunan
 - Akta 172
 - Akta Kastam 1967

Tindakan juga boleh dikenakan kepada pemegang lesen mengikut undang-undang lain yang diperuntukkan selain dari yang dinyatakan di dalam syarat-syarat pematuhan lesen perniagaan dan iklan ini.

Saya bernama..... No Kad Pengenalan.....
bersetuju untuk mematuhi semua syarat-syarat dan garis panduan yang dikeluarkan oleh Pihak Majlis. Sekiranya saya didapati melanggar mana-mana syarat yang telah ditetapkan di atas, Majlis berhak untuk membatalkan lesen perniagaan atau mengenakan sebarang tindakan ke atas saya.

Tandatangan & Cop Syarikat

Tarikh :

.....

